

Naqqiut

Siusinnerusukkut 30. august 2021-mi nassiunneqarsimasumut taartaasoq.
(*Naalakkersuisup taaguutaa allanngortinneqarpoq naalakkersuisoqarfiit allanngortinneqarnerisa kingunerisaanik*)

Matumuuna Inatsisartut suleriaasianni § 33 najoqqutaralugu aalajangiiffigisassatut siunnersuummik matuminnga Naalakkersuisut saqqummiussaqrput.

Sulliviit inuussutissarsiutitut ingerlatat ilaat pillugit inatsisip allanngortinneqarneranut inatsisini assigiinngitsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut (Piginnittuiit pillugit malittarisassiat atuutsilernerit aalajangersakkallu attuumassutillit nutarsarneri)

(Inuussutissarsiornermut Niuernermullu Naalakkersuisoq)

Aalajangiiffigisassatut siunnersuutip imarisai

Kalaallit Nunaanni piginnittuiit pillugit malittarisassianik naammassisaqarniartutut inuussutissarsiorfinnut tunngatitatut Kalaallit Nunaanni inatsisaasunik annertunerusumik nutarsaanermi peqqussutit ilaapput. Piginnittuiit imaluunniit timitalittut inuit tassaapput naggataagut toqqaannartumik imaluunniit toqqaannartuunngitsumik piginnittutut pigisanik imaluunniit taasisinnaatitaanermik pisinnaatitaaffinnik naammattumik pigisaqarnermikkut suliffimmik piginnittuusut imaluunniit aqutsisuusut, allatulluunniit periusaasut ikiorsiullugit aqutsisuusut.

Piginnittuiit pillugit malittarisassianik atuutsilernikkut suliffeqarfinnik piginnittoqarnerup ilusaanik annertunerusumik paasinnissinnaasoqalissaaq. Taamaattumik siunissami ingerlatseqatigiiffiit ilusilersugaaneri paasiuminaatsut aqutugalugit suliffimmik piginnittuunerup takujuminaallisarnera ajornarnerulissaaq, aammalu nunani akileraarutigisassanik toqqorteriffinni aningaasaatinik toqqortaqtarnissamik akiuissapput.

Aalajangersakkat nutaat ingerlatseqatigiiffinnik suliassaqarfimmi piginnittuinnik nalunaarsuisarneq pillugu piumasaqaatit eqqunnerisigut nukittorsakkatut aqutsineq aqutugalugu akileraarnermik pisortat aningaasatigut peqquserlunnermut piaarnerusumik toqqartuinerusumillu iliuuseqartitsisinnaassapput.

Taamaalisukkut aningaasaleriffimmi pinerluttoqarnermut atatillugu ujaasisinnaanermut periarfissat pitsannorsaavigineqassapput, aammalu pinerlunnikkut pissarsianik malunnarunnaarsaanermik aamma qunutitsilluni anguniaqarnermik aningaasaliinermik pinaveersaartitseqataassallutik.

Suliffeqarfinni piginnittuinnik nalunaarsuisussani ilaapput:

- Ingerlatseqatigiiffiit, suliffeqarfiit aamma aningaasaateqarfiit (aktianik piginneqatigiiffiit (aktieselskabit), inuussutissarsiutinik ingerlatsisutut aningaasaateqarfiit, anpartsselskabit il.il.).
- Aningaasaliisartutut suliffeqarfiit (aningaaseriviit, taarsigassarsisitsiniartarfiit (realkreditinstitutit), sillimmasiisarfiit (forsikringsselskaber) il.il.)
- Inuussutissarsiutinik ingerlatsisuunngitsutut aningaasaateqarfiit (aningaasaateqarfiit inatsisitigut pilersitat, legatit, suliffeqarfiit imminnut ingerlatittut, il.il.)
- Peqatigiiffiit aalajangersimasut (sulisitsisut peqatigiiffii, sulisartut peqatigiiffii kattuffiillu assingusut allat il.il.).

Ingerlatseqatigiiffinnut inatsisitigut suliassa qarfinni Danmarkimi aamma Kalaallit Nunaanni inatsisaasut ilarujussui nunat tamalaani inatsisaasunik, ilanngullugillu minnerunngitsumik EU-mi malittarisassianik tunngaveqartinneqarput.

Taamaalisukkut oqaluuserisassani UKA2021/124/126 aamma 127-ni kunngip peqqussutaatigut Kalaallit Nunaannut atuutsitsilersutut ingerlatseqatigiiffiit pillugit inatsisip allanngortinnissaa, sulliviit inuussutissarsiutitut ingerlatat ilaat pillugit inatsisip allanngortinnissaa, aamma aningaasaateqarfiit aamma peqatigiiffiit ilaat pillugit inatsisip allanngortinnissaa pillugit Namminersorlutik Oqartussat inatsisinik assigiinngitsunik akuersissuteqarnissaat pillugu Inatsisartut aalajangiiffigisassaattut siunnersuutinik Naalakkersuisut saqqummiussiniarput.

Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiinik ingerlatsisarnerup oqisarnissaa pillugit EU-mi malittarisassiat piviusunngortinnissaat pillugit Folketingip Kalaallit Nunaannut inatsisissatut siunnersuummik akuersissuteqarnissaanik Namminersorlutik Oqartussat akuersissuteqarnissaat pillugu ataatsimiinnermi matumani aalajangiiffigisassatut siunnersuummik Naalakkersuisut saqqummiussaqaarsimapput. Kalaallit Nunaanni piginnittuiit pillugit malittarisassianik eqqussiniarluni inatsisini katersaasuni tamarmiusuni inatsisissatut siunnersuummik piviusunngortitsineq ilaavoq.

OECD-mik Kalaallit Nunaata attaveqarnerata malitsigisaanik akileraartarnermik oqartussa qarfiit akornanni paasissutissanik paarlaateqatigiittarnermik suleqatigiiffimmi Financial Action Task Force on Money Laundering'imi (FATF-imi) aamma Global Forum'imi pinerlunnikkut pissarsianik malunnaarunnaarsaanermik akileraarutinillu akiliinissamik pinngitsuuniartarnermik akiuisarneq pillugu suleqatigiinnermi peqataanerup malitsigisanik nunat tamalaani pisussaaffigisanik Kalaallit Nunaata malittarinnaannissaanik inatsisit katersat piviusunngortinneri qularnaariniarput.

Inatsisaasut atuuttut

Piginnittuinnik inatsisitigut siusinnerusumi inatsisilersuisoqarsimangilaq.

Siunnersuummi pingaarnertitat

Sulliviit inuussutissarsiutit ingerlatat ilaat pillugit inatsimmut peqqussummiipput piginnittuiit pillugit malittarisassianik atuutsitsilernerit.

Ilanngullugit peqqussut makkununga nutarsaanernik imaqarpoq; atugaaffigisaa, suliffeqarfiit ilusaat, piginnittuinnik nalunaarsuinerit, aningaasalerinikkut pinerluttoqarneq, akileraarutininik akiliinngitsuuiniarnermut pinaveersaarutitit iliuuserisat il.il., inunnut paasissutissanik illersuinerit, pisortasuni suaassutsitigut katitigaanerit, kukkunerisuisartumik toqqaaneq soraarsitsinerlu, kukkunerisusartup taarserneranut atatillugu annertusisamik nalunaaruteqartarnissamut pisussaaffik, suliffeqarfiit siusinnerusukkut aningaasalersuisutut suliffiusumik ingerlatsisimasut, A/S-inngortillugit suliffeqarfinnik killilimmik akisussaaffilinnik (V.M.B.A.-nik) allanngortitsinerit, pinngitsuugassaangitsutut qarasaasiakkut (digitaalikkut) attaveqatigiinnerit, aamma nakkutilliinissamut katersaatit.

Peqqussutip imarisai pillugit itisiliisutut paasissutissanut uteqqiineq innersuutigineqarpoq.

Pisortanut aningaasaqarnikkut allaffissornikkullu kingunerisinnaasat

Aalajangiiffigisassatut siunnersuutit pisortani oqartussaasoqarfiit sunniivigissavai, ingammilli nunani allani akileraartarnermut pisortanik akileraartarnermut pisortat suleqatiginninnerat nukittorsarneqassaaq.

Namminersortutut inuussutissarsiorfimmut aningaasaqarnikkut allaffissornikkullu kingunerisinnaasat

Nalunaaruteqartarnissamut annertusisatut piunasaqaateqarnikkut inuussutissarsiorfimmut aalajangiiffigisassatut siunnersuut aalajangersimasunik aningaasaqarnikkut allaffissornikkullu kingunerisassaqaassaaq.

Innuttaasunut aningaasaqarnikkut allaffissornikkullu kingunerisinnaasat

Soqanngilaq.

Tusarniaaneq

Aalajangiiffigisassatut siunnersuut piffissami 1. juuli 2021-mit 30. juuli 2021 tikillugu ilanngullugulu tamanut ammasumik tusarniaassutinut nittartakkami tusarniaassutaasimavoq, kiisalu tusarniaasarfittut illua'tungerisanut attuumassutilinnut nassiunneqarsimalluni, takuuk tusarniaanermut allakkiaq.

Ilanngussat

Ilanngussaq 1: Sulliviit inuussutissarsiutitut ingerlatat ilaat pillugit inatsimmut peqqussummut allaqqaagaq

Ilanngussaq 2: Sulliviit inuussutissarsiutitut ingerlatat ilaat pillugit inatsimmut peqqussummik eqikkaaneq

Ilanngussaq 3: Tusarniaanermut allakkiaq